

國方志叢書·華中地方·第八九四號

據

清·朱慶等修，黃大承等纂
清同治十一年刊本

影印

江 西 省

新昌縣志

【九】

成文出版社有限公司印行

中華民國七十八年三月臺一版

新昌縣志

共九冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

新昌縣志卷之三十一

藝文志十

雜文

祭雪坡姚公文

宋胡仲雲

維宋景定三年歲次壬戌十二月癸未朔十三日
乙巳從政郎胡仲雲謹以清酌庶饔之奠致祭於大
子舍人雪坡姚公之靈嗚呼雪坡曷不其延自古豪
傑之士往往如此是有命焉昔丙子而生子瞻前癸
丑而魁同父雪坡生以是年魁以是年與二公相爲

後先人皆謂之雪坡子瞻以其文之驅濤湧泉怒罵
嬉笑皆成章篇日與筆硯以相研人皆謂之雪坡同
父以其氣之霆駕風鞭豪放凌厲自視無前取高科
如搴子瞻以詩禍同父以氣殞雪坡之不偶然乎不
然嗚呼富貴一日之浮花文章如水之行地氣槩如
斗之麗天與其隨時俯仰以苟生孰若身亡而名全
仲雲年未二十與兄周旋聞兄之病食不下咽兄病
亟矣有涕斯漣去年其時兄哭吾父今年其時乃有
斯苦高矣皇天厚矣后土誰其速之遺憾千古嗚呼

哀哉尙饗

直隸州縣祭劉恭人殉節文

眞定府定州知州胡震亨曲陽縣知縣王楠新樂縣
知縣王應恒嗚呼昊天不弔震我畿甸野斯戰馬喋
叢蝟箭常山全郡半就摧陷時遘實然人力匪旋驚
聞鹿泉喪我邦媛巢傾及卵重以二彥何情之痛何
事之變豈無家室相從而宦豈無從宦分榮借宴公
胡不然罹此慘咥粵惟我公圖其大矣惟彼鹿泉匪
常山比寧守全郡以鹿泉抵公爾私遺國爾家委公

視妻子如敝屣視妻子報本以節義矢一門慷慨各
完其是死不愧生生胡恨死煌煌帝綽必有旌言旌
夫人何曰惟烈魂旌公子何忠孝弟昆是母是子千
古名尊碧血不化於鹿之原若見靈旗於彼鹿垣率
陰兵只助公勇賁綏此餘燼永戴公恩尙饗

祭劉恭人文

蔡長璋

嗚呼成仁取義萬夫之望惟我恭人節烈有光挈彼
副室偕兩季卽慷慨殉難氣節昂藏嗟今之世瓦合
蹠跟脂韋訛翁競圓毀方恭人精魄貫日凌霜巾幗

之杰帷薄之良族常可勒女史尤香鬢眉閨閣貞淑
紀綱所以然者幼嫻承筐結襦著順蘋蘩克襄和熊
淬勵晝荻縹緗婦儀母教家國之祥夙相夫子作法
于涼閨稱衆母素絲以揚天子嘉績龍文用彰晨鉞
暮紉綦縞履常夫子秉鉞左右就將鳴鳩儀結投醪
斯皇干戈孔熾捍禦多方勢窮援絕致失金湯捐軀
水火正氣飛揚天日昏黯風雲廻翔忠孝節義一門
疏芳丹心今古浩魄鋒鏑永垂史冊名達未央媼成
夫節家傳國坊桓桓肅肅裴姜竝行寵賤綸綍功錫

珠璣瑤情叨倚玉聞變徬徨翳維季君寒鴉鳳凰瑋
女及笄擬奉姑嫜訃至感憤慘烈肝腸矢志靡忒鐵
石金剛恭人何恨連步北邙靈芻泣奠婆曜煌煌嗚
呼哀哉尙饗

勦山寇誓師

鄒維連

爲遣將討賊例當誓師謹集三軍靜聽無譁而言曰
天地好生不廢雷霆之用帝王勘亂常興時雨之師
莒叛弗共文因振旅苗頑不格禹往徂征凡反側之
干誅雖晷災而削赦然匪熊羆之士孰摧蛇豕之鋒

將禮獨重於登壇主恩更降於授鉞蠢茲鯨波毒鱷
無異蛟蜃螭螟嘯藪號山攻城掠邑已踰九頭之暴
因興六月之戎備乃糗糧厲乃兵甲問誰主將矯矯
處臣問誰偏裨桓桓驚擊爾旣當此枹鼓之任便當
忘却身家之圖獎率三軍奮揚一戰永清殘孽丕著
威名若建莫大之勲卽有不次之賞勗哉夫子肅肅
隊行必同子弟之衛父兄且若手足之捍頭目庶幾
行師之有律竚聽凱奏之興歌軍法至嚴誓詞不再

弔劉毅宏墓文 併序

劉伯興

世祖皇帝定鼎之初寇攘宜豐天寶鄉人劉公毅宏禦之於
本里店上敗績死之先是寧州大亂官兵連日進勦
寇匪潰散竄入找橋掠圳上公聞卽奮武力爲鄉勇
之倡團聚而與賊戰鎗傷二魃餘黨俱遁旣而出不
意夜半來攻公死戰不克遂遇害賊燃室及其屍剽
奪而去族人收拾餘燼塋於祖山東坑虎形是甲申
十二月二十日事也由公而傳四世有樹勲者爲諸
生與予同硯寒食旋里重新公墓予因聞其詳叙其

由而文以弔之其文曰嗚呼生民不幸當兵燹之際
父子不相聚兄弟不相見夫婦不相親散之四方轉
乎溝壑烏烏然鰥寡孤獨哀聲載道矣天寶地僻民
安非若通衢駟站師旅往來之區素不設備一旦烽
火告警張皇失次倘非有堵之於邊陲者則由店上
而延及於同鄉共井焦朽糜爛保無肝腦塗中原膏
液潤草野乎今

聖人御宇海宇昇平郊外百姓安安焉而坐徐徐焉而行
無復金革之患而回思當日擾亂皆遠故里而棄廬

金公獨不畏鋒鏑以固吾圉以此而捐軀以此而埋
玉百歲之後又卒以此而光日月薄雲霄豈非石韞
而山輝哉而吾以徵烈士之有後而又知成仁取義
之必大白於天下也久矣

徵賦易知單說

鄒維連

易知糧單相傳久矣未有冊也冊何爲乎卽單彙冊以散合總連爲新昌釐剔賦弊而設也行單未有說也著爲說者何爲乎此單如周禮在人善行行而得則官逸而民便行而失則官煩而民擾連欲使有司先知行之之法而後吏習之民安之也蓋錢糧之弊百孔子端太槩有四冊書過糴造冊則有受賄飛灑之弊戶書掌案征比則有增減侵蠹之弊市棍充爲保歇則有攬泊兜收之弊頑民不知禮法則有詭寄

圖便之弊四弊相倚有如輔車蓋奸書藉積保爲線
索積保藉奸書爲護法而頑民又藉積保奸書以爲
狡兔藏身之三窟錢糧積逋職此之由所以致此四
弊者蓋由易知單冊不行官冊只載總戶完欠不列
花戶糧數官府只比見年催里不比管糧本丁痛癢
不切誰不玩視且愚民無單不知當納之分數官府
無冊不知散丁之欠數官民常在混沌中完欠一淆
比較不清所以良民不免於受殃頑民正樂於逋負
於是諸奸乘之大膽乾沒罪委民欠卒爲官累豈不

痛哉此單先刻派糧總數於前隨刻戶丁管糧散數
於後人給一單五尺之童莫之或欺官比此單完欠
之數了然在目又將此單式爲冊式設立冊簿以散
丁合一戶之總以散戶合一甲之總以各甲合一圖
之總以各圖合一都之總以各都合一縣之總如百
姓納銀一兩監櫃收頭已記逐日流水簿訖則以納
數一註單上給與民一註冊上存於官一切鴛鴦小
票盡草不用民或匿單不來官已閱冊盡知依限者
竟可高卧奸頑者亦難躲閃完欠不混刑罰必中無

論民知勸懲卽飛洒增減堯收詭寄之奸何所措手
哉一法立四弊絕故曰易知乃奸詭惡其害亡而皆
夫其籍官府又以人人比單爲煩瑣故多阻格不行
豈知此單不止清弊原爲執簡御煩之術豈必人人
而比哉人人而比是率天下而路也蓋一邑之中良
民遵納畢竟十居其七八奸民窮民逋負不過十居
其三四完者卽先揭示免比毋令守候羈留以彰大
信欠者則令執單赴比數亦省約又何煩瑣之有此
畢妙在卽單以立冊若只有單而無冊人人比單始

知完欠則民勞矣官煩矣惟卽單彙冊以散合總完
欠之數官民共知誰能侵欺然後有等真正窮民家
無擔石朝不謀夕苦受鞭笞則亦了然現出官府卽
宜憐而寬之以賜皇仁之浩蕩畢竟完者八九則賦
額亦不甚虧夫恩以法流古人所謂催科中之撫字
不在是乎方今軍興告乏功令日嚴民體已枯草澤
思亂予敢著此說以明此單而又立此冊以便行此
單愷悌君子願賜省覽

淵明故里考

羅奎